



ՓՐԿՉԻ ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ ՏՈՆԻ
ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ
ՕԾՈՒԹՅՈՒՆ Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ
ՔՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻԶԵՎ
ՓՈԽԱՆԱԿՎԱԾ ՈՂՋՈՒՅՆԻ ՀԵՌԱԳՐԵՐՆ ՈՒ
ԳՐՈՒԹՅՈՒՆՆԵՐԸ

Հոռմեական կաթողիկ եկեղեցու քահանայապետ, Նորին Սրբություն
ՊԱՎՂՈՍ Զ ՊԱՊԻՆ (Հոռմ),

Կոստանդնուպոլսի հունաց Տիեզերական պատրիարք, Նորին Սրբություն
ԱԹԵՆԱԳՈՐԱՍԻՆ (Ստամբուլ),

Մոսկվայի և համայն Ռուսաստանի պատրիարք, Նորին Սրբություն
ԱԼԵՔՍԻՆ (Մոսկվա),

Ալեքսանդրիայի և համայն Աֆրիկայի պատրիարք, Նորին Սրբություն
ԿՈՆՍՏԱՆՏԻՆԻՆ (Ալեքսանդրիա),

Ղպտի ուղղափառ եկեղեցու պատրիարք, Նորին Սրբություն
ԱԲՈՒՆԱ ԿՅՈՒՐԵՎ Զ-ԻՆ (Ալեքսանդրիա),

Երուսաղեմի հունաց պատրիարք, Նորին Սրբություն
ԲԵՆԵԴԻԿՏՈՍԻՆ (Երուսաղեմ),

Անտիոքի և համայն Արևելքի պատրիարք, Նորին Սրբություն
ԹԵՈԴՈՍԻՈՍ Զ-ԻՆ (Դամասկոս),

Անտիոքի և համայն Արևելքի պատրիարք, Նորին Սրբություն
ՄԱՔՍԻՄՈՍ Ե-ԻՆ (Դամասկոս),

Սիրիական օրթոդոքս եկեղեցու և համայն Արևելքի պատրիարք, Նորին
Սրբություն ԻԳՆԱՏԻՈՍ ՀԱԿՈԲ Գ-ԻՆ (Դամասկոս),

Համայն Եթովպիայի պատրիարք, Նորին Սրբություն

Բ Ա Ս Ի Լ Ի Ո Ս Ի Ն (Ադիս-Աբեբա),

Հնդկաստանի և Արևելքի մայաբար եկեղեցու կաթողիկոս, Նորին Սրբություն

Բ Ա Ս Ի Լ Ի Ո Ս Ո Ի Կ Ե Ն Ա - Ի Ն (Կերալա).

Համայն Վրաց պատրիարք-կաթողիկոս, Նորին Սրբություն

Ե Փ Ր Ե Մ Բ - Ի Ն (Թբիլիսի),

Ռումին օրթոդոքս եկեղեցու պատրիարք, Նորին Սրբություն

Ժ Ո Ի Ս Տ Ի Ն Ի Ա Ն Ի Ն (Բուխարեստ),

Բուլղար օրթոդոքս եկեղեցու պատրիարք, Նորին Սրբություն

Կ Ի Ր Ի Լ Ի Ն (Սոֆիա),

Լիբանանի մանորիտ պատրիարք, Նորին Սրբություն

Ի Գ Ն Ա Տ Ի Ո Ս Զ Ի Ա Դ Ի Ն (Բեյրութ).

Քենտրբերիի արքեպիսկոպոս, համայն Անգլիայի եպիսկոպոսապետ և
միտրոպոլիտ, Նորին Սրբություն դոկտ. Մ Ս Յ Զ Լ Ռ Ե Մ Զ Ի Ի Ն

(Լոնդոն),

Աթենքի և համայն Հելլադայի միտրոպոլիտ, Նորին Սրբություն

Հ Ե Ր Ո Ն Ի Մ Ո Ս Ի Ն (Աթենք),

Սերբիայի և համայն Հարավսլավիայի պատրիարք, Նորին Սրբություն

Հ Ե Ր Մ Ա Ն Ի Ն (Բելգրադ),

Համայն Ալբանիայի և Տիրանի և Տուրեստի միտրոպոլիտ, Նորին Սրբություն

Դ Ա Մ Ի Ա Ն Ո Ս Ի Ն (Տիրանա),

Վարշավայի և համայն Լեհաստանի միտրոպոլիտ, Նորին Սրբություն

Ս Տ Ե Ֆ Ա Ն Ի Ն (Վարշավա),

Պրագայի և համայն Չեխոսլովակիայի միտրոպոլիտ, Նորին Սրբություն

Դ Ո Ր Ո Ֆ Ե Յ Ի Ն (Պրագա),

Հայ կաթողիկե եկեղեցու պատրիարք, Նորին Ամենապատվություն

Ի Գ Ն Ա Տ Ի Ո Ս Պ Ե Տ Ր Ո Ս Պ Ա Թ Ա Ն Յ Ա Ն Ի Ն (Բեյրութ),

Կիպրոսի արքեպիսկոպոս, Նորին Սրբություն

Մ Ա Կ Ա Ր Ի Ո Ս Ի Ն (Նիկոզիա)

Նորին Ամենապատվություն կարդինալ

Ա Ղ Ա Զ Ա Ն Յ Ա Ն Ի Ն (Վատիկան),

Եկեղեցիների համաշխարհային խրոհրդի ընդհանուր քարտուղար

դոկտ. Է. Կ. Բ Լ Ե Յ Կ Ի Ն (Ժնև),

Արևմտյան Նյու-Յորքի եպիսկոպոսական եկեղեցու առաջնորդ

Լ Ո Ր Ի Ս Տ Ո Ն Լ Ե Վ Ի Ն Գ Ս Տ Ո Ն Մ Զ Ե Յ Ֆ եպիսկոպոսին
(Նյու-Յորք),

Լատվիական ՍՍՀ ավետարանական-լուսերական եկեղեցու արքեպիսկոպոս,

Նորին Սրբազնություն Գ Ո Ի Ս Տ Ա Վ Տ Ո Ի Ր Ս Ի Ն (Ռիգա),

Լուսոնական ՍՍՀ ավետարանական-լուսերական եկեղեցու արքեպիսկոպոս,
Նորին Սրբազնություն ՅԱՆ ԿԻՅՎԻՏԻՆ (Տալլին),

Միջին Արևելքի ավետարանական եկեղեցիների միության նախագահ,
Վերապատվելի ՀՈՎՀԱՆՆԵՍ ԱՀԱՐՈՆՅԱՆԻՆ
(Բեյրութ),

Ֆրանչիսկյան միաբանության կուստոդ
Հ. ԼԻՆՈՒՍ ԿՈՊՊԻԵԼԼԻԻՆ (Երուսաղեմ),

ԱՄՆ-ում Քրիստոսի եկեղեցիների ազգային խորհրդի նախագահ,
Գերապատիվ հայր ՌՈՒԲԵՆ ՄՅՈՒԼԼԵՐԻՆ (Նյու-Յորք),

Մոնակոյի եպիսկոպոս, Գերաշնորհ ՇԱՌԼ ՌՅՈՒՊԻՆ (Մոնակո),

Մխիթարյան ուխտի արքահայր, Գերհարգելի հայր
ՀՄԱՅԱԿ վարդապետ ԿԵՏԻԿՅԱՆԻՆ (Վենետիկ),

Մխիթարյան ուխտի արքահայր, Գերապաշտ հայր
ՄԵՍՐՈՊ վարդապետ ՀԱՊՈԶՅԱՆԻՆ (Վիեննա),

Վերապատվելի ՀԱՐՈՒԹՅՈՒՆ ՀԵԼՎԱՃՅԱՆԻՆ (Մարսել):

«Քրիստոս յարեալ ի մեռելոց».

Մեր Տեր և Փրկիչ Հիսուս Քրիստոսի հրաշափառ Հարության ավետիսով
Մեր շնորհավորանքներն ու եղբայրական ողջույնները կհղենք Ձերոյ
Սրբության՝ մաղթելով Ձեզ երկար և քաջառողջ կյանք՝ շարունակելու Ձեր քրիստո-
նական լուսավոր առաքելությունը երկրի վրա, ի գլուխ ձեր մեծ և սուրբ ե-
կեղեցվո:

Այսօր Մեր աղոթքները կմիացնենք Ձեր Սրբության աղոթքներուն, որ-
պեսզի Քրիստոսի հարության շնորհները լուսավորեն աշխարհը համայն և
նախապարհը ժողովուրդներու կյանքին, ի խնդիր արդարության և խաղա-
ղության հաստատման երկրի վրա:

Հարուցյալ Փրկչի շնորհներով թող լռեն պատերազմները և թող եղբայ-
րությունը հավիտյան հաստատվի մարդոց և ժողովուրդներու միջև:

Եղբայրական հարգալից սիրով ի Քրիստոս՝

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

Ա. Էջմիածին

*
* *

Սիրելի եղբայր ի Քրիստոս,

Բարին Աստված մի անգամ ևս առիթ է շնորհում մեզ տոնելու մեր Փրկիչ
և Տեր Հիսուս Քրիստոսի Հարության փառավոր տոնը և այդպիսով հիշատա-
կելու փրկության և սրբագործության իր աստվածային ծրագրի կենտրոնա-
կան եղելությունը:

Գոհության և ուրախության զգացումները լցնում են մեր սրտերը, և Մենք,
Մեր եղբայրական սիրուց մղված, ցանկանում ենք բաժանել այդ զգացումնե-
րը Ձերոյ Սրբության հետ և Ձեզ հայտնել աղոթքի գործությանը ապավինած

Մեր այն հույսը, թե «այսօր է գոր արար Տեր», կլինի Ձեզ համար, ձեր եկեղեցու նվիրապետության, հոգևոր դասի և հավատացյալ ժողովրդի համար հոգեկան մխիթարության և ներքին ուրախության մի օր:

Քրիստոսի հարության խորհրդի մեջ հայտնված Աստուծո գործության մասին խորհելով՝ մենք վերստին մտաբերում ենք, որ այդ Քրիստոսն է, մեր բոլորի բարոգած Քրիստոսը, որը սուրբ Հոգու միջոցով «հավատքի, հույսի և սիրո միության մեջ կանչեց ու հավաքեց նոր դաշինքի ժողովրդին, որ ինքը՝ եկեղեցին է», և որ նրա գործը պետք է առաջ ընթանա մինչև իր ավարտը՝ նրա վերադարձի ժամանակ: Երկու հազար տարի շարունակ այդ Հոգին խուսեց եկեղեցիներին. նա այդ շարունակում է անել և այսօր: Մեր Տիրոջ և հարուցյալ Փրկչի նկատմամբ ունեցած մեր հավատարմությունը մեզնից պահանջում է, որ հաստատակամորեն շարունակենք պահպանել և խորացնել այն ամենը, ինչ որ սուրբ Հոգին անցյալում ասել է եկեղեցուն՝ առաջնորդելու և ոգեշնչելու համար նրան. սակայն այդ նույն հավատարմությունը մեզնից պահանջում է նաև, որ մենք տեսապես ուշադիր լինենք լսելու նրա ձայնը այսօր, ինչպես պարտավոր ենք ուշադիր լինել և վաղը:

Սուրբ Հոգու նկատմամբ այդ հնազանդությունը թույլ կտա մեզ, որ մենք, որ հավատքի և հոգևոր կյանքի ներքին այնքան սերտ կապերով արդեն միացած ենք իրար, առավել ևս խորացնենք արդեն իսկ մեր ունեցած այդ միության նշանակությունն ու պահանջները՝ առավելագույն չափով արժևորելով այն:

Մենք արդեն արտահայտում ենք այդ միությունը մեր փրկության խորհուրդների միասնական կատարումով, տա՛ Աստված, որ շուտով մենք կարողանանք նաև միևնույն օրը տոնել մեր Տիրոջ Հարության փառավոր տոնը:

Ի սրտե հայտնում ենք հարուցյալ Տիրոջը, որ իր զատկական շնորհներն առատորեն սփռի Ձերդ Սրբության ու նրա եկեղեցու վրա, և վերստին հայտնում ենք Ձեզ մեր ամբողջ եղբայրական սերը ի Քրիստոս, որը սկիզբն է և կատարածը, աղբյուրն է և վախճանը մեր բոլոր ջանքերի:

ՊԱՊ ՊԱՎԴՆՍ Զ

Վատիկան

*

* *

Այսօր ամեն ոք լեցված է լույսով. երկինք և երկիր և բոլորը հրճվում են, որ Քրիստոս՝ մեր ճշմարիտ Տերը, մահվան հաղթեց Իր մահվամբ և դժոխքը գերեց, արևի նման բարձրացավ՝ աստվածացնելով մարդկային բնությունը և բոլոր նրանց, որոնք հավատում են և հույս ունեն Իր վրա մահվանից կյանք և կյանքից՝ երկինք առաջնորդելու:

Կենարար և փառավորյալ Հարությամբ մեր Տիրոջ, մենք հրճվում ենք սրտանց, տոնախմբում ենք հատկապես մեր ժողովրդի հետ և եղբայրական այս նամակը հղում ենք Ձերդ սիրելի Սրբությանը այս սուրբ և մեծ տոնի առիթով՝ հետևելով սուրբ և հին ավանդություններին, փոխանցելով Ձեզ մեր սուրբ համբույրը, և աղոթում ենք, որ մեծն Աստված և Փրկիչ Հիսուս Քրիստոսը, որ հարյալ ի մեռելոց, պահի Ձեր առողջությունը և պարգևի Ձեզ երկար կյանք՝ հուրախություն հոգևոր հոտիդ, որ Ձեր իմաստությանն է հանձնված, և փառքի համար Նրա սուրբ և բարձր անվան:

Քրիստոս հարյալ, սիրեցյալ եղբայր:

Ձերդ Սրբությանը ողջագործում ենք հարուցյալ Քրիստոսով և մնում ենք եղբայրական սիրով և մասնավոր հարգանք:

ԱԹԵՆԱԳՈՐԱՍ
Տիեզերական պատրիարք հունաց

Ստամբուլ

*
* *

Հարության տոնի ուրախությունը ամենամեծ ուրախությունն է, քանզի այն ոգեշնչում է մեզ առաջին իսկ պահին, երբ հրեշտակները սկսում են երգել Հարության սաղմոսը երկնքում:

Գերագույն այդ ուրախությամբ լեցուն ամենայն սիրով ողջունում եմ Ձերդ Սրբությունը և աղոթում առ հարուցյալ Քրիստոս, որ Նա լուսավորի Ձեր կյանքի ուղին և օգնական լինի Ձեզ Աստծո սուրբ եկեղեցու ծառայության գործում:

Հայցելով Ձեր աղոթքները, մնամ եղբայրական սիրով ի Քրիստոս՝

ՄԼԵՔՍԻ
Պատրիարք Մոսկվայի և համայն Ռուսաստանի

Մոսկվա

*
* *

Ձերդ Սրբություն, շատ սիրելի Եղբայր մեր,

Այո՛, Էմմաուսի աշակերտների մեան Մենք եւս գոչում ենք. «Քրիստոս յարեալ ի մեռելոց». և արդարեւ յարեալ:

Մեր հոգին լի այս մեծ օրվա լույսով և Տոների Տոնը հանդիսացող սուրբ Հարության ցնծությամբ տոգորված՝ Ձերդ Սրբությանը հղում ենք Մեր սրտագին շնորհակալությունները Ձեր զատկական պատվական ուղերձի առթիվ, Մեր ջերմագին բարեմաղթություններով և այն ցանկությամբ, որ հարուցյալ Փրկիչը Ձեզ, ինչպես նաև Հայաստանյայց քույր եկեղեցու եպիսկոպոսական դասին և բարեպաշտ ժողովրդին բաշխի Իր լուսաշող Հարության առատաբուխ շնորհները:

Խնդրելով Ձեզ Ձեր աղոթքներում հիշել Իմ խոնարհ անձը՝ անկեղծ ողջագործումով մնամ Ձեր եղբայրը ի Քրիստոս:

ԹԵՈԴՈՍԻՈՍ Զ
Պատրիարք Անտիոքի և համայն Արևելքի

Դամասկոս

*
* *

Ծառ սիրելի և մեծարգո Եղբայր,

Սուրբ Զատնի փառավոր տոնի առթիվ ուրախ ենք Ձերդ Սրբության հետ փոխանակելու անկեղծ և բարի մաղթանքներ, ուրախ ենք մանավանդ հաստատելու մեր միասնական հավատքն ու միասնական սերը մեր Փրկիչ և Տեր Հիսուս Քրիստոսի հանդեպ, որի հրաշափառ Հարությունն ենք տոնում մեռելներից: Զատկական սրբազան արարողությունների ջերմեռանդ կատարումով մեր հրճվանքն ենք արտահայտում Ձերդ Սրբությանը՝ կրկնելով. «Քրիստոս յարեալ ի մեռելոց»:

Մեր սրտագին աղոթքները միացնելով Ձեր աղոթքներին՝ հայցում ենք Փրկչից, որ Իր խաղաղությունը, Իր արդարությունն ու սերը հաստատի բոլոր մարդկանց, բոլոր եկեղեցիների և բոլոր ժողովուրդների միջև:

Նղբայրական սիրով ի Քրիստոս՝

ՄԱՐԱՍԻՄՈՍ Ե

Պատրիարք Անտիոքի և համայն Արևելքի

Դամասկոս

*
* *

Ծնորհակալ ենք Ձերդ Սրբության անկեղծ շնորհավորանքների և բարի ցանկությունների համար մեր Տիրոջ և Փրկչի փառավոր Հարության տոնի առթիվ: Երբ շնորհավորում ենք այս տոնի առթիվ Ձերդ Սրբությանը, միանում ենք Ձեր աղոթքներին քրիստոնեության փառքին և խաղաղության հաստատման համար աշխարհի վրա:

Թող հարուցյալն Աստված պարգևի Ձերդ Սրբության առողջություն, և ձեր սիրելի եկեղեցուն և ժողովրդին ամենայն հաջողություն:

ԻԳՆԱՏԻՈՍ ՀԱԿՈԲ Գ

Սիրիայի օրթոդոքս եկեղեցու
և համայն Արևելքի պատրիարք

Դամասկոս

*
* *

Մեր Տիրոջ Հիսուս Քրիստոսի Հարության լուսապայծառ և սուրբ օրվա առթիվ, սրբազան և եղբայրական պարտք ենք համարում Ձերդ Սրբությանը հայտնելու անձամբ Մեր և Մեր գլխավորած Ալեքսանդրիայի ս. եկեղեցու տոնական շնորհավորանքները, աղոթելով աշխարհի Փրկչին, որպեսզի հովանավորի և պահպանի Ձերդ Սրբությանը քաջառողջության մեջ և արժանացնի երկար տարիներ կենարար Հարության տոնը տոնելու և Ձեզ վստահված եկեղեցին զորացնի՝ աստվածահաճո և անբասիր Ձեր հովվապետությամբ:

Այս առթիվ կրկին Տիրոջով ողջագուրում ենք Ձեզ՝ ավետելով. «Քրիստոս յարեալ»:

Մնամք եղբայրական սիրով Ձերդ Սրբության սիրեցյալ եղբայր ի Քրիստոս՝

ՆԻԿՈՂԱՅՈՍ

Պատրիարք Ալեքսանդրիայի

Ալեքսանդրիա

*
* *

Ձերմորեն գրկում եմ Ձերդ Սրբությունը և Ձեզ հետ միասին բացականչում.

«Քրիստոս յարեալ ի մեռելոց»:

Մեծ է Քրիստոսի Հարության երջանկությունը մարդկանց համար, քանզի այն բերում է իր հետ հաճություն և խաղաղություն բոլոր մարդկանց:

Տուր աշխարհին խաղաղություն, քանզի ավելի լավ է մի կտոր չոր հաց, քան խաղաղությամբ, քան բարիքներով լեցուն տուն, քան խոսվություններով լի:

Սիրով ի Քրիստոս՝

ԵՓՐԵՆ Բ

Եպիսկոպոս-պատրիարք համայն Վրաստանի

Թրիխսի

*
* *

Մեր Տիրոջ սուրբ Հարությունը տոնախմբելու համար ձեր եկեղեցու հոգեվոր դասի և հավատացյալ ժողովրդի հետ, եղբայրական ջերմ մտածումներով և զգացումներով Ձերդ Սրբությանն ենք ուղղում մեր քրիստոնեական բարի մաղթանքները: Աղոթում ենք առ Փրկիչն մեր Հիսուս Քրիստոս, որպեսզի Նա շնորհի Իր ողորմությունն ու անսահման սերը բոլոր քրիստոնյաներին և համայն աշխարհին՝ խաղաղ ու եղբայրական սիրո և միության մեջ սպրդելու համար:

Ողջագործում ենք Ձեզ եղբայրական սիրով՝

ԺՈՒՍՏԻՆԻԱՆ

Պատրիարք Ռումինիայի

Բուխարեստ

*
* *

Հարգանք և սիրով ի Քրիստոս շնորհավորում ենք Ձերդ Սրբությունը, սուրբ Հարության տոնի առթիվ:

Աղոթող ենք առ Աստված, որպեսզի Հարուցյալը շնորհե Ձերդ Սրբությանը քաջատոգություն և կորով, ինչպես և բեղմնավոր գործունեության բազում տարիներ՝ ի փառս քրիստոնեական եկեղեցիների միասնության: Թող Տիրոջ շնորհիվ բարի կամք հաստատվի բոլոր մարդկանց միջև և խաղաղություն տիրի համայն աշխարհում:

Ձերդ Սրբության նվիրյալ եղբայր ի Քրիստոս՝

ԿԻՐԻԼ

Պատրիարք Բուլղարիայի

Սոֆիա

*
* *

«ՁՅիսուս խնդրէք զՆազովրեցի զխաչեցեալն, յարեաւ» (Մարկ. 16. 6):

Այս ուրախալի բառերը եղան առաջին խոսքերը համեստ կանանց ուղղված, երբ նրանք եկան «առաջին օրը շաբաթվան» օժելու Հիսուսի մարմինը, որին տեսել էին խաչված: Նույն ուրախալի բառերով, սիրեցյալ եղբայր, ողջունում ենք Ձե՛զ, Հարության տոնի առթիվ:

Հիսուս Նազովրեցի շարունակում է խաչվել մեղավոր մարդկանց խավար գործերով: Դեռևս ամեն տեղ, բոլոր հավատացյալների օրերում, հուլիսի կրակը տակավին բոցավառվում է և Նրա աշակերտները փնտրում են նրան. «Մեք ական ունեաք թէ Նա իցէ որ փրկելոցն էր» աշխարհը (Ղուկ. 24. 21):

Նրանց հավատարմության մեջ, նրանց փնտրտուքը վարձատրվեց և նրանք լսեցին ավետիքը հրեշտակի. «Յարեաւ»: Նրանք լսեցին նաև Տիրոջ ողջույնը Իր առաջին աշակերտներին. «Ողջուն ընդ ձեզ, որպէս առաքեաց զիս հայր իմ, և ես առաքեմ զձեզ» (Հովհ. 20. 21):

Տեսական առաքելությունն է այն աշխարհի վրա նրանց համար, որոնք հավատում են Քրիստոսի հարության և նրա գործյանը՝ վանելու համար խաւարի գործերը: Նաև ճշմարտությունը այս հավատքի պատճառ է, որ մենք ողջունում ենք Ձեզ, սիրեցյալ Եղբայր, և աղոթում, որ ամենակալն Աստված առատորեն օրհնի Ձերո՛ր Սրբությանը և բոլոր հավատացյալները ձեր եկեղեցու և դարձնի մեզ բոլորս իր խաղաղության և սիրո համար գործիքներ:

Եղբայրական սիրով, Հարության ուրախության առթիւ, մնամ շատ անկեղծ եղբայր ի Քրիստոս Հիսուս Տերն մեր՝

ՄԱՅՐԱՆՈՒՄՈՒ

Արքեպիսկոպոս Քեմարքերիի, եպիսկոպոսապետ և
միտրոպոլիտ համայն Անգլիայի

Լոնդոն

*
* *

Ձերո՛ր Սրբություն,

Մեր Տիրոջ հրաշափառ Հարության տոնի առթիւ, երբ մենք երգում ենք՝ ասելով, թե «տոնում ենք մահվան մահը, Հանդեսի անկումը, մի այլ՝ հավիտենական կյանքի սկիզբը և, խաչաւորով, գովերգում ենք Նրան, որը պատճառն է, միակ օրհնչալը, մեր հայրերի Աստվածը՝ Հիսուս Քրիստոս», Մենք զգում ենք, թե ինչպէս առավել սերտորեն միանում ենք Ձեզ հետ, ինչպէս և բոլոր նրանց, ովքեր դավանում են մեր Փրկչի անունը և ընդունում մահվան վրա Նրա տարած փառավոր հաղթանակը: Ահա թե ինչու առավել մեծ սիրով և մի առանձին պատկով է, որ կցանկանայինք հղել Ձեզ և Ձեր միջոցով՝ նաև Ձեր ամբողջ հոգևոր դասին ու բարեպաշտ ժողովրդին այս մեծ և հրաշալի տոնի բերկրալից ողջույնը՝ **Քրիստոս յարեւ ի մեռելոց**: Եվ, արդարև, հարություն առնելով մեռելներից, մինչ երկնքում, երկրի վրա և երկրի տակ եղողները գմայլահար նայում էին Նրան, Նա մեզ տվեց Նոր կյանքը:

Մաղթելով, շատ սիրելի Եղբայր Մեր, որ հետզհետե ավելի մասնակից դառնանք մեր Տիրոջ Հարությանը, սիրով ողջագուրում եմ Ձեզ ի Քրիստոս:

ՀԵՐՈՆՆԻՄՈՍ

Արքեպիսկոպոս Աթենքի և համայն Հունաստանի

Աթենք

*
* *

Քրիստոս հարչալ ի մեռելոց:

Մեր Տեր Հիսուս Քրիստոսը իր մահվամբ մահը ծխտեց և հրաշափառ Հարությամբ համակեց երջանկությամբ սրտերը բոլոր մարդկանց:

Այս ուրախությամբ համակված աղոթում ենք, որ Տերը պարգևի Ձեզ, ձեր եկեղեցուն, հոգևոր դասին և համայն հավատացյալ ժողովրդին երջանիկ տարիներ:

Եղբայրաբար ողջունում ենք Ձեզ և մնում Ձերդ Սրբության սիրեցյալ եղբայր ի Քրիստոս՝

ՀԵՐՄԱՆ

Պատրիարք համայն Սերբիայի

Բելգրադ

* *
*

Զատկական տոների ուրախությամբ համակված արտագինս ողջունում եմ Ձերդ Սրբությանը Քրիստոսի լուսաշող Հարության առիթով, անձամբ իմ կողմից և մեր եկեղեցու ու համայն հավատացյալ ժողովրդի կողմից:

Թող հարուցյալ Քրիստոսը երջանկություն և խաղաղություն պարգևի համայն աշխարհին: Թող Քրիստոսի խաղաղության պատգամը լուսավորի տիեզերքի բոլոր ծայրերը:

Արտագինս աղոթում եմ, որ Տերը զորացնի Ձեր ուժերը՝ ծառայելու հետազայում էլ Քրիստոսի եկեղեցուն՝ հուրախություն և ի մխիթարություն հավատացյալների:

ՍՏԵՖԱՆ

Միտրոպոլիտ Վարշավայի և համայն Լեհաստանի

Վարշավա

* *
*

Քրիստոս հարչավ ի մենելոց:

Ամբողջ արտով ջերմապես շնորհավորում և ողջունում ենք Ձերդ Սրբությանը Քրիստոսի Հարության պայծառ տոնի առթիվ:

Թող հարության և խաղաղության երկնային ավետիսով ամենակալ Աստվածը օրհնի քրիստոնյաների համատեղ ջանքերը՝ միավորվելու Քրիստոս Հովվապետի հովանու ներքո՝ տոնելու համար հրաշափառ Հարության տոնը՝ սուրբ Զատիկը:

Աղոթելով Ձերդ Սրբության և ձեր եկեղեցու բարօրության և պայծառության համար, մնամ միշտ սիրով՝

ԴՈՐՈՖԵՅ

Միտրոպոլիտ Պրագայի և համայն Չեխոսլովակիայի

Պրագա

* *
*

Վեհափառ Տեր,

Հիսուսի հրաշափառ Հարության առթիվ կիսնդրեմ, որ ընդունիք եղբայրական ջերմ մաղթանքներս:

Աղոթող եմ, որ մահվան վրա մեր աստվածային Փրկչին հաղթանակը, որով խաղաղությունը վերահաստատվեցավ երկնքի և երկրի միջև, մղե մարդկությունը փնտրելու միշտ ճշմարիտ խաղաղությունը քրիստոնեական հավատքի սկզբունքներուն ապրումին մեջ:

Թող ամենաբարին Աստված պարգևե Ձեզի ույժ և կարողություն՝ շարունակելու համար սիրումը այդ սկզբունքներում, մեր սիրելի հայրենիքին մեջ, որպեսզի ան հարատևորեն զարգանա և առաջդիմե:

Առիթուն կօգտվիմ խորին շնորհակալությունս հայտնելու Ձեր «Կոնդակներու, քարոզներու, ճառերու և նամակներու» Բ հատորեն ինձի ընծայած օրինակին, ինչպես նաև Կոմիտաս վարդապետին հարյուրամյակին առթիվ հրատարակած կոնդակին համար:

Հանեցեք, Վեհափառ Տեր, ընդունիլ եղբայրական սիրո ջերմ և հարգալիիր ողջույններս:

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ
Պատրիարք կաթողիկե հայոց

Բեյրութ

*
* *

Ձերդ Սրբություն,

Շնորհակալություն զատկական Ձեր սիրալիր ուղերձի համար: Այս առթիվ Ձերդ Սրբությանը ներկայացնում եմ քաջառողջության և հաջողության իմ բարենախոսությունները և աղոթում, որ հարուցյալ Փրկչի լույսն ու խաղաղությունը տարածվեն համայն աշխարհի և բոլոր եկեղեցիների վրա:

ԿԱՐԴԻՆԱԼ ԱՂԱԶԱՆՅԱՆ

Վատիկան

*
* *

Երբ տոնախմբում ենք փառավոր տոնը Հարության մեր Տիրոջ և Փրկչի Հիսուսի Քրիստոսի, ողջունում ենք Ձերդ Սրբության՝ եպիսկոպոսական եկեղեցու անունով:

Սուրբն Հովհաննես Դամասկացին մեզ ճշմարտապես հիշեցնում է, որ աշխարհի գորությունները անկարող եղան խափանել Տիրոջ գոությանը, երբ Նա գերեզմանից դուրս եկավ, շնորհելով Իր խաղաղությունը բոլորին: Քրիստոսի քերած խաղաղությունը այժմ առաջնորդում է բոլոր քրիստոնյաներին դեպի տեսանելի եղբայրություն, որ Իր կամքն է Իր ընտրյալ ժողովրդի համար:

Կյանդրենք Ձեզ, պատվական Եղբայր, միանալ մեր աղոթքներին՝ Զատկյվա տոնի առթիվ, որպեսզի Տիրոջմով գորանան մեր ձեռքերը, որոնք սրբազան գործեր են կատարում Նրա փառքին համար:

Ամենայն բարի մաղթանք, աղոթք՝ Ձեր քաջառողջության և հաջողության, ինչպես նաև՝ ձեր մեծ եկեղեցու և ժողովրդի համար:

Ձեր եղբայրն ի Քրիստոս՝

ԼՈՐԻՍՏՈՆ ԼԵՎԻՆԳՍՏՈՆ ՍՔԵՅՅ
Արևմտյան Նյու-Յորքի եպիսկոպոս

Նյու-Յորք

*
* *

Ձերդ Սրբություն,

Հանելի պարտականություն ունիմ Ձերդ Սրբությանը հղելու Նորին Սըրբություն Պապի Ջ պապի ներկայակցականը:

Օգտվելով այս ուրախ առիթից, խնդրում եմ Ձերդ Սրբությանը, որ Ջատկի սուրբ տոների առթիվ բարեհաճի ընդունել իմ լավագույն բարեմաղթությունները և հարգալից սիրո իմ ամենաջերմ զգացումները ի Քրիստոս:

Ժ. Գ. Մ. ՎԻԼԼԲՐԱՆԴՍ

Քարտուղար Քրիստոնեական եկեղեցիների
միության դիվանի

Վատիկան

*
* *

Ձերդ Սրբություն,

«Քրիստոս լարեալ ի մեռելոց».

Թող կենդանի Քրիստոսը շարունակի պայծառացնել և զորացնել մեր եկեղեցիները:

Ձերմագին ողջուններով՝

ԲԼԵՅԿ

Եկեղեցիների համաշխարհային խորհրդի
ընդհանուր քարտուղար

Ժնն

*
* *

Վեհափառ Տեր,

«Ուրախ լեր, սուրբ եկեղեցի» կոչչեն վերստին մեր արտերը ցնծագին, Փրկչին հարության պայծառ հույսով առնելուն, որ ահա կթրթոս մոմերուն հետ հայկական ճրագալույցին:

«Այսօր լարեալ ի մեռելոց փեսայն անմահ և երկնատր. քեզ աւետիք խնդութեան, հարսն ի յերկրէ՝ եկեղեցի». այս է նաև մեր երգն հաղթական, լամբրոնյան հոգեշունչ շարականին լուսով օծուն, որ անույշ խունկին հետ կրարձրանա մեր տաճարներեն, ներդաշնակ ու միահոգի:

Սուրբ եկեղեցվո մշտնջենավոր հաղթանակին գրավականն է արդարև հարությունը Փրկչին, որ զերդ ծաղիկ անթառամ, ամեն զարման՝ կու գա բողբոջիլ մեր հոգիներուն մեջ, որպես խորհրդանիշ հավերժության, գերբնական ներշնչումներով ոգեղինացնելու երկրավոր պանդխտությունը բոլոր քրիստոնյաներուն:


Այս հավատքով և զգացումներով արծարծուն, ջերմորեն կհայցենք հարուցյալ Փրկչին Հիսուսի Քրիստոսի աստվածային շնորհքներու հորդահոս գեղումը Ձեր անձին և Ձեր աստվածահաճո ձեռնարկներուն վրա, ինչպես հանուր մարդկության և հատկապես հայ եկեղեցվո ու հայ ազգի բոլոր զավակներուն վրա, ի հայրենիս և ի սփյուռս աշխարհի:

Ամենախորին մեծարանքով՝

Հ. ՀՄԱՅԱԿ ՎԱՐԴԱՊԵՏ ԿԵՏԻԿՅԱՆ

Ընդհ. արքահայր Մխիթարյան միաբանության

Վեներաբլ



Սուրբ Զատիկ է այսօր: Քրիստոսը՝ մեր Փրկիչն ու Աստվածը, խաչյալ և թաղյալ, հաղթեց մահվան և երրորդ օրը հարություն առավ՝ դաիստի դռները բացելով մեր առջև:

Օրհնյալ լինի Տերը, որ իր աստվածային շնորհներով արժանացրեց մեզ իր Հարության սուրբ տոնին:

Սրտի խորը ուրախությամբ, Հարության այս ավետաբեր տոնի առթիվ, ողջունում ենք Ձերդ Սրբությանը և հրճվանքով, հաղթական բացականչությամբ ավետում. «Քրիստոս յարեաւ»:

Այս ուրախ առիթով մաղթում ենք Ձերդ Սրբությանը երկար տարիների քաջատողջություն և հոգեկան ուրախություն ու խաղաղություն՝ հովվելու Ձեր խնամքին հանձնված Քրիստոսի ժողովրդին՝ իր փառքի համար:

Մնամ Ձերդ Սրբության սիրեցյալ եղբայր ի Քրիստոս՝

ՄԱԿԱՐԻՈՍ

Արքեպիսկոպոս Կիպրոսի

Նիկողիա

Հաճեցեք ընդունել իմ անկեղծ գատկական շնորհավորանքները և բարեմաղթությունները Ձերդ Սրբությանը: Թող Տերը հոգեկան ուրախություն պարգևի Ձեզ և հնադարյան հայ եկեղեցուն:

Քրիստոս հարչավ ի մեռելոց:

Թող օրհնյալ լինի Հարությունը Քրիստոսի, և սուրբ Հոգին զորավիգ լինի ամենքիս:

ՄԱՏՈՒԼԻՍ

Լատինական ՍՍՀ ավետարանական-լուսերական
եկեղեցու արքեպիսկոպոս

Ռիգա

